

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri.

Imm .02 Siulittaasup nalunaarutaa.

Aningaasaqarnermut tunngasut

Imm. 03 Balance-t.

Suliassat nalinginnaasut

Imm. 04 3.4.Oktober 2015 Inuussutissarsiutit pillugit isumasioqatigiinnermi,aalisarneq pillugu suleqatigiinnik pilersitsisoqarnissaannik siunnersuut.

Imm. 05 Kangaamiuni “Piareersarfik”-iup illutaata misissorneqarnissaa.

Imm. 06 Tuttut umimmaallu pillugit tusarniaassut

Imm. 07 Sanaartugassatut kissaatit 2016-2019

Imm. 08 Ilisimatitsissutit

Paasissutissiissutit/Ilisimatitsissutit

- 1. Qeqqata Kommunia-ni nunaqarfinnut aningaasaliissutit agguataarneri.**
- 2. Nunaqarfimmi aqutsisut ataatsimiinneranni imaqarniliaq 20.April 2016**
- 3. Allaffiu pisortaata nalunaarutaa qaammat April 2016.**

Imm. 09 Tamalaat.



*Nunaqarfimmi aqutsisut ileqquusumik ataatsimiinnerat.
18.Maj 2016 nal. 14:00*

Ataatsimiinneq aallartippoq nal: 14:00

Peqataasut:

Atassut

Tønnes Kreutzmann
Albrichtine Lynge

Siumut

Barnabas Larsen

Nalunaaruteqarlutik peqataanngitsut:

Nalunaaruteqaratik peqataanngitsut



Imm. 01 Oqaluuserisassat akuersissutigineri

Aalajangiineq

- Imm. 06 Tuttut umimmaallu pillugit tusarniaassut
- Imm .07 Sanaartugassatut kissaatit 2016-2019
- Imm. 08 Ilisimatitsissutit
- Imm. 09 Tamalaat.



Imm. 02 Siulittaasup nalunaarutai.

Ilanngussaq 1.
Siulittaasup nalunaarutai.

Aalajangiineq

Siulittaasoq nalunaarutissaqanngilaq.



Imm. 03 Balance-t.

Maleruagassatigut tunngavissat.

Karseqarnermut ilanngussaq 1.

Balance-t.

Karseqarnikkut Qeqqata Kommunia-ta maleruagassaa.

Innersuussut

Allaffeqarfiup innersuussutigaa, ilaasortanit tusaatitigut tiguneqassasoq

Aalajangiineq

Tusaatitigut tiguneqarput.



Imm. 04 3.4.Oktober 2015 Inuussutissarsiutit pillugit isumasioqatigiinnermi,aalisarneq pillugu suleqatigiinnik pilersitsisoqarnissaannik siunnersuut.

J.nr.01.07.10

Tunuliaqutaq:

Ukiarmi 3.4.Oktober 2015 Kangaamiuni aalisarneq pillugu isumasioqatigiinnermi kissaatigineqartoq,oqaluuserisassatut nunaqarfimmi aqutsisut siulittaasuanit Tønnes Kreutzmann-mit akuersissutigineqarpoq.

Pissutsit atuuttut:

Aalisarneq pillugu suleqatigiinnik pilersitsisoqarnissaa eqimattamiit kissaatigineqarpoq,ilaasortaassallutik Royal Greenland,Kangaamiuni Aalisartut Peqatigiinniit,Nunaqarfimmi aqutsisuniillu inuttaqartussamik. Isumasioqatigiinnermit imaqarnialiaq Maj 2016 naammassineqarpoq taamaattumik isumasioqatigiinnermi kissaatigisat qaqqinneqarlutik.

4.Februar 2016 allakkanik ingerlatsisoqarpoq Aalisarnermut Piniarnermut Nunalerinermullu Naalakkersuisoqarfimmut umiarsualiisoqarnissaanik imalimmik taakkulu allakkat nunaqarfimmi aqutsisuniit,RG-miit,KAPP-miillu ataatsimeereernerup kingorna aalajangigaallutik ullorlu manna tikillugu sulii akissutisisoqarani.

Innersuussut

Allaffeqarfiup innersuussutigaa, isumasioqatigiinneq Nunaqarfimmi aqutsisut kissaatigisarimmassuk piaartumik pilersitsisoqassasoq.

Aalajangiineq

Aalajangiiffigineqanngikkallarpoq aggersarneqartut takkutinninneri pillugit.



Imm. 05 Kangaamiuni "Piareersarfik"-iup illutaata misissorneqarnissaa

J.nr.

Tunuliaqutaq:

Maniitsumi Ilinniartitaanermut Pisortap Anna Heilmann e.mailikkut saaffiginnissutaa Kangaamiuni "Piareersarfik" pillugu nunaqarfimmi aqutsisut siulittaasuanit Tønnes Kreutzmann-mit akuersissutigineqarpoq.

Pissutsit atuuttut:

Kommunalbestyrelse ulloq 28.April 2016 aalajangerpaa Kangaamiuni Piareersarfik matussasoq Juni 2016 naappat.

"Piareersarfik" illutaata misissorneqarnissaa suliaqutitigineqarpoq Kommunip iluani siunertanut allanut atussallugu piukkunnarnersoq, tamannalu tunngavigalugu nunaqarfiup iluani allagarsiinikkut nunaqqataasunut siunnersuummik ujartuisoqarpoq pingasunillu siunnersuutinik ukuusunik saaffiginnittoqarpoq.

1. Børnhave-tut atorneqarnissaa
2. Klub-itut atorneqarnissaa assassorfittut, nipilersornermik aallutaqarfissatut.
3. Vejformand-ip sakkuusivissaatut.

Innersuussut

Allaffeqarfiup innersuussutigaa, ilaasortanit oqallisigineqarluni aalajangiisoqassasoq.

Aalajangiineq

Inuusuttunut sammisumik "Piorsaavittut" imaluunniit Pilersitsivittut assingusumut aqqissuussanut kiisalu vejformand-ineqarfimmut periarfissiisumik aqqissuunneqarsinnaanera aalajangerneqarpoq



Imm. 06 Tuttut umimmaallu pillugu tusarniaassut

J.nr.

Tunuliaqutaq:

2016-mi aasaanerani ukiaaneranilu aamma 2017-imi ukiuunerani piffissat piniarfiusussat tuttutassiissutit umimmattassiissutillu pillugit siunnersuutit tusarniaassutigineqarnerat matumuuna nassiupparput.

Tusarnianermut oqaaseqaatit Qeqqata Kommunianut tunniunneqarsimassapput kingusinnerpaamik tallimangorneq 3. juni 2016

Aalajangiineq

2016 aasaanerani ukiaaneranilu 2017-mi ukiuunerani piniarfiusussatut tusarniaassut akuersissutigineqarpoq.



Imm. 07 Sanaartugassatut kissaatit 2016- 2019.

J.nr.17.05.01

Tunuliaqutaq:

2017-mut ukiunullu tulliuuttunut sanaartugassatut kissaatit – Kangaamiut.

Sanaartugassanut kissaatit ukiunut 2016-2018 ulloq 18.Maj 2016 Nunaqarfimmi aqutsisut ataatsimiissutigivaat aalajangikkallu matumuuna ingerlatinneqarput.

Ukioq 2016

1. Meeqqerivik nutaaq
 2. Eqqaavissuup nuunneqarnissaa
 3. Aqqusernup asfalturnerata naammassineqarnissaa
- (1.) Meeqqerivik ”Naja” 1964-mi sananeqarpoq piffissamilu kingullermi oqummik ajornartorsiuteqarfiusalernermi saniatigut ullutsinnut naleqqukkunnaarsimavoq. Nutaaliornissaaq ukiualunngortuni kissaatigineqartaraluartoq kinguartitsisaqattaarneq pisimavoq tamannalu meeqqerivimmi sulisut arlaleriarlutik annguttarsimavaat. Ukiuni kingullerni inissakilliorneq malunnarpoq taammaattumillu meeqqat annerit atuarfimmi init arlaanni paaqqutarineqartarlutik.
- (2.) Eqqaaveqarfissatut takorloorneqartup nunaqarfiup kujasissortaata tungaanut aqqusernut sivinganaarneqarneragut pilersaarut piviusunngunngitsoorsimavoq. Pilersaarut taanna taamaatillugu nutaatut saqqummiunneqassaaq ”Kuisimanngitsuni” aqqusernup isuliffianiit eqqaaveqarfissatut takorloorneqartup tungaanut ingerlariaqqittoqassaaq. Aamma oqaatigisariaqarpoq nutaamik talittarfiliornissamut maannakkut eqqaaveqarfiusoq akimmisaartitsilissanngippat piaarnerpaamik eqqaaveqarnikkut nutaamik aaqqiisoqartariaqartoq. (Aamma takuuk planstrategi nutaaq.)
- (3.) Aqqusernut asfalturneqarnera naammassineqarnikuunngilaq. Eqqaaveqarfiup tungaanut kiisalu nunaqarfiup kujasissortaani aqqusineq qallerneqanngitsoq malunnartumik maniilakulunneroqaaq tamannalu biilnut aserfallatsaaliiniarnermut assut malunniuttarluni. Siusinnerusukkut ukiumut 300.000,00 kr-nit atorlugit aningaasaliisarnikkut aqqsinigissaanermi suliaq naammassineqartariaqarmat taamatut aningaasaliisarneq ingerlateqqinneqartariaaqarpoq.

Ukioq 2017

1. Utoqqaat pisinnaanerusut angerlarsimaffii nutaat
 2. Iliveqarfik
 3. Nunaqarfiup iluani nunagissaaneq
- (1.) Ukiuni makkunani nunaqarfitsinni inissiaqarneq eqqarsaatigalugu utoqqaat pisinnaanerusut illui nutaanngilippat amerlasuutigullu peqqinnartuujunnaarsimallutik. Najuisutut / piginnittutut utoqqalinersiutaannaqalersimanerit tunngavigalugit illuutinik aserfallatsaaliinikkut kipiluttunarsiorfigisumik inissisimalersut amerliartupiluulerput. Siusinnerusukkut utoqqarnut pisinnaanerusunut sisamanik inissiaqartitsisoqarnikuuvoq



taakkuli nalinginnaasumik inissarsiortunut ilanngunneqarlutik inigineqartalersimallutik. Pisariaqalerpoq illoqarfinni periuseq aamma nunaqarfinnut atuutsinneqalernissaa.

- (2.) Iliveqarfik siusinnerusukkut allilernerqarnikuuvoq atorneqarnerminilu kingumut allilerinissaq pisariaqaleriartorluni. Maanna iliveqarfiusup kujataatungaata nunagissarlugu iliveqarfittut atorneqarsinnaanera takorloorneqarpoq.
- (3.) Nunaqarfiup iluata ilaani nunaminertat arlaqartut qaartiterinikkut manissarneqarnissaat pisariaqarpoq, Kangaamiut sivingavoq taamaattumik pisariaqalerpoq nunagissaanissaq. Ukiumi aputajaasarnerup pisariinnerusumik ingerlanneqartalernissaa manissaanikkut sipaarutaasumik kinguneqartussaavoq.

Ukioq 2018

1. Inuusuttunut inissiat nutaat
 2. Arsaattarfik ivigaaralerlugu
 3. Nunap qaagut kuuffiit kiisalu nunap iluagut kuuffissuit
- (1.) Namminersorlutik Oqartussat inissiaatiminnik isaterisitsinerata kingorna taarsiilluni sanaartortoqarsimanngilaq taamaattumillu inissarsiortunut tamanna kingunerlutitsilluni. Siuliani taaneqareersutut nunaqarfitsinni inissiaqarneq eqqarsaatigalugu maannakkut neqeroorutigineqartartut nutaanngilisimapput nutaanillu sanaartornissaq pisariaqalersimalluni.
 - (2.) Arsaattarfik 1970-sikkunnili sioqqanik majuussuillutik piulernikuuvoq taamaattumik ullutsinnut naleqquttumik arsaattarfeqassappat ivigaaqqanik qallikkamik peqalernissaa kissaatigineqarluni.
 - (3.) Nunami ersiinnartutigut kuuffilersuinerit kiisalu nunap iluagut kuuffissuit (kloak) matumani pineqarput. Nunaqarfik sivingasuuvoq taamaattumillu illut kuuffilersorneranni amerlasuutigut aqqusinermut kuutsitsiinnartarneq qaangerniarneqarpoq. Ukuiusarnera eqqarsaatigalugu aqqusinermik sermertoortarneq assut ajornartorsiutaavoq. Nunap iluatigut kuuffissualersuinissamut perusuersartarfiit kuutsiinnartakkat eqqarsaatigalugit suliaq aallarnisartariaqarpoq.

Ukioq 2019

1. Nunaqarfiup iluani meeqqanut pinnguarterfiit
 2. Haaleeqqap Kulturhuse-tut aqqissornissaa
 3. Sissami sapusiaq
- (1.) Atuarfiup eqqaani kiisalu nunaqarfiup qeqqani pinnguarterfiit nutaanngilisimapput nutartertariaqarlutillu. Atuarfiup sanianiittut qatserutaasivikup isaterneragut atortuinik atortoqarluni nammineq sanaajupput ullutsinnullu naleqquttunik taarserneqartariaqalerlutik. Nunaqarfiup qeqqaniittut pinnguarterfiit nioqqutissat nalinginnaasut atorlugit pilersitaapput nutaanngilisimallutilli taarsertariaqarlutik.
 - (2.) Innuttaasunut isumasioqatigiisitsinermi 2008 pisumi "Nunaga Kangaamiut" pilersinneqarmat suleqatigiisitaliortoqarneragut sunngiffimmi sammisaqartitsinermut atatillugu Haaleeqqap assigiinngitsutigut atorluarneqarnerusinnaanera eqqartorneqarnikuuvoq allannguinnissamullu kissaatigineqartut teknikkikkut



nalilersuiffigineqareernikuupput. Ingerlatsiviit assigiinngitsut ataatsimoortinneqarnerisigut siunissami aningaasartuutikillisaaneq aqqutissiuunneqassaaq.

- (3.) Nunaqarfiup kujasinnerusuagut Kommuniip sannaviutaata eqqaagut sissami nunniornikkut umiatsialiviup aalasarnarujussua qaangerniarneqarpoq. Takorloorneqarpoq maanna aqquataasq assinngikkaluarlugu 10 meter-it miss. avammut nunniulaarnikkut ajornartorsiut qaangerneqarsinnaasq taamaalilluni kujasimmik anorlernerani umiatsianik puttasulianillu aserfallatsaaliinermi iluaqutaasumik pilersitsisoqarsinnaasq.

Aalajanginneq

Sanaartugassatut kissaatit taamatut isikkoqartillugit akuersissutigineqarput.



Imm. 08

Paasissutissiissutit/Ilisimatitsissutit

1. Qeqqata Kommunia-ni nunaqarfinnut aningaasaliissutit agguataarneri.
2. Nunaqarfimmi aqutsisut ataatsimiinneranni imaqarniliaq 20. April 2016
3. Allaffiup pisortaata nalunaarutaa qaammat April 2016.

Aalajangiineq

Tusaatitut tiguneqarput



Imm. 09 Tamalaat.

Nunaqarfiup iluani saliineq ingerlanneqassaaq ulluni 4.-11.Juni 2016.



*Nunaqarfimmi aqutsisut ileqqusumik ataatsimiinnerat.
18.Maj 2016 nal. 14:00*

Ataatsimiinneq naammassivoq nal. 15:40

